



প্রধানমন্ত্রীরদপ্তর

ভারত-ইউরোপিয়ান ইউনিয়ন শিখর সম্মেলনে প্রধানমন্ত্রীর সংবাদ বিবৃতি সবাগত জানানোর সুযোগ

Posted On: 09 OCT 2017 3:22PM by PIB Kolkata

মহামান্য রাষ্ট্রপতি টুস্ক ও রাষ্ট্রপতি জাংকার,

সম্মাননীয় প্রতিনিধিগণ,

সংবাদ মাধ্যমের সদস্যগণ,

চতুর্দশ ভারত-ইউরোপিয়ান ইউনিয়ন শিখর সম্মেলনে রাষ্ট্রপতি টুস্ক এবং রাষ্ট্রপতি জাংকারকে স্বাগত জানানোর সুযোগ পেয়ে আমি আনন্দিত।

ভারত সবসময়ই ইউরোপিয়ান ইউনিয়নের সঙ্গে তার বহুমুখী অংশিদারিত্বকে মূল্য দেয় এবং আমরা আমাদের কৌশলগত সহযোগিতাকে সর্বাধিক গুরুত্ব দিয়ে থাকি। ১৯৬২ সালে ইউরোপিয়ান ইকনমিক কমিউনিটির সঙ্গে প্রথম কূটনৈতিক সম্পর্ক স্থাপনকারী দেশগুলোর মধ্যে ভারত ছিল।

দীর্ঘদিন ধরেই ইউরোপিয়ান ইউনিয়ন আমাদের সবচেয়ে বড় বাণিজ্য সহযোগী। তাছাড়া আমাদের প্রত্যক্ষ বিদেশি বিনিয়োগের প্রধান উৎসগুলোর মধ্যেও একটি।

বিশ্বের বৃহত্তম গণতন্ত্র হিসেবে আমরা স্বাভাবিক অংশীদার। আমাদের গভীর সম্পর্ক গণতন্ত্রের সহযোগী-মূল্য, আইনের শাসন, মৌলিক স্বাধীনতার জন্য সম্মান এবং বহু-সংস্কৃতিবাদের ওপর প্রতিষ্ঠিত।

আমাদের মধ্যে বহু-মেরু নির্ভর নিয়ম-ভিত্তিক আন্তর্জাতিক নির্দেশের দৃষ্টিভঙ্গিও রয়েছে। গত বছর ব্রাসেলসে ১৩-তম শিখর সম্মেলনের পর থেকে আমাদের এই সম্পর্ক আরও বেশি গতি লাভ করেছে। কিছুদিন আগে রাষ্ট্রপতি জাংকার যা বলেছিলেন, তাঁর ভাষায় বলতে হয়, বর্তমানে ভারত ও ইউরোপিয়ান ইউনিয়নের সম্পর্কের পালে দারুণ হওয়া লেগেছে!

বন্ধুগণ,

আমাদের বহু-বিস্তৃত বিষয় নিয়ে আজ আমরা যে ফলপ্রসূ আলোচনা করলাম, তার জন্য আমি রাষ্ট্রপতি টুস্ক এবং রাষ্ট্রপতি জাংকারকে আন্তরিক ধন্যবাদ জ্ঞাপন করি।

আমরা ভারত ও ইউরোপিয়ান ইউনিয়নের মধ্যকার সংযুক্তিকে বেশকিছু নতুন ক্ষেত্রে বিস্তৃত করেছি এবং পারস্পরিক বিশ্বাস ও বোঝাপড়ার ওপর ভিত্তি করে এই সংযুক্তিকে আরও বেশি ব্যাপক ও লাভজনক করার জন্য উদ্যোগ গ্রহণের পদক্ষেপ চালিয়ে যেতে সম্মত হয়েছি।

আজ আমরা আমাদের গত শিখর সম্মেলনে গৃহীত সিদ্ধান্ত এবং গত বছর ঘোষিত এজেন্ডা২০২০-এর রূপায়ণের অগ্রগতি নিয়ে পর্যালোচনা করেছি।

আমরা আমাদের সুরক্ষা সহযোগিতাকে আরও শক্তিশালী করতে এবং সন্ত্রাসবাদের বিরুদ্ধে একসঙ্গে লড়াই করার জন্য সম্মত হয়েছি। এক্ষেত্রে আমরা শুধুমাত্র আমাদের দ্বিপাক্ষিক সহযোগিতাকেই বৃদ্ধি করবো না, বরং বহুপাক্ষিক মঞ্চেও আমরা আমাদের সহযোগিতা ও সমন্বয়কে আরও বৃদ্ধি করবো।

পরিচ্ছন্ন শক্তি ও জলবায়ু পরিবর্তন নিয়ে আমরা উভয় পক্ষ ২০১৫ সালের প্যারিস চুক্তিতে প্রতিশ্রুতিবদ্ধ। জলবায়ু পরিবর্তন মোকাবিলা করা এবং সুরক্ষিত, সশ্রমী ও দীর্ঘস্থায়ী বিদ্যুতের সরবরাহ করা আমাদের দুই পক্ষেই অগ্রাধিকার। পুনরবীকরণ বিদ্যুতের ব্যবহারের খরচ কমিয়ে আনার ক্ষেত্রে দ্বিপাক্ষিক সহযোগিতা গ্রহণের জন্য আমাদের প্রতিশ্রুতিকে আমরা পুনরায় সুনিশ্চিত করছি।

স্মার্ট সিটি নির্মাণ এবং নাগরিক পরিকাঠামোকে উন্নত করার জন্য আমরা ইউরোপিয়ান ইউনিয়নের সঙ্গে আমাদের সহযোগিতাকে আরও শক্তিশালী করবো।

আমি আনন্দিত যে ভারত-ইউরোপিয়ান ইউনিয়নের মধ্যে অসামরিক বিমান পরিবহন নিয়ে হরাইজন্টাল সিভিল এভিয়েশন এগ্রিমেন্ট এখন কাজ করতে শুরু করেছে। আমি নিশ্চিত যে, এইপদক্ষেপটি আমাদের মধ্যে বিমান যোগাযোগ বাড়িয়ে তুলবে এবং এর মধ্য দিয়ে মানুষের যোগাযোগ বৃদ্ধিতে সহায়তা হবে।

আমাদের সম্পর্কের একটি গুরুত্বপূর্ণ দিক হচ্ছে বিজ্ঞান ও প্রযুক্তি, গবেষণা ও উদ্ভাবনের ক্ষেত্রে সহযোগিতা। এই ক্ষেত্রে আমি তরুণ বিজ্ঞানী ও গবেষকদের যাতায়াতের জন্য আজ যে চুক্তি হলো তাকে স্বাগত জানাই।

ভারতে উন্নয়নমূলক প্রকল্পের জন্য ইউরোপিয়ান ইনভেস্টমেন্ট ব্যাঙ্কের সঙ্গে ঋণ চুক্তি স্বাক্ষরও একটি স্বাগত পদক্ষেপ।

আন্তর্জাতিক সৌর জোট-এর সদস্য দেশগুলোতে সৌর-সম্পর্কিত প্রকল্পে অর্থ বিনিয়োগের জন্য ইউরোপিয়ান ইনভেস্টমেন্ট ব্যাঙ্কের সিদ্ধান্তকেও আমি প্রশংসা করি।

আমাদের বাণিজ্য ও বিনিয়োগের প্রবাহকে আরও শক্তিশালী করার জন্য আমাদের সহযোগিতাকে আরও গভীর করতে ইউরোপিয়ান ইউনিয়নের সঙ্গে কাজ করতে আমরা প্রতিশ্রুতিবদ্ধ।

মহামান্যগণ,

ভারত ও ইউরোপিয়ান ইউনিয়নের মধ্যে কৌশলগত অংশিদারিত্বকে আরও শক্তিশালী করারজন্য আপনাদের নেতৃত্ব ও অবদানের জন্য আমি আপনাদের ধন্যবাদ জ্ঞাপন করি। আপনাদের পরবর্তী ভারত সফর এতো সংক্ষিপ্ত হবে না বলেই আমার আশা ও বিশ্বাস!

আপনাদের ধন্যবাদ।

সবাইকে অনেক ধন্যবাদ।

(Release ID: 1505298) Visitor Counter : 3

Background release reference

সবাগত জানানোর সুযোগ

